

# Communicaziun a las medias BCG

## 31avla radunanza dals participants da la BCG: plivalur per il Grischun grazia a prestaziun ed attaschadadad

Cuira, ils 19 da mars 2016 – Questa sonda ha la Banca Chantunala Grischuna (BCG) envidà a sia 31avla radunanza dals participants en la Halla da la citad da Cuira. 2'410 participantas e participants han dà suatientscha a l'invit. Era quest onn han ils purtaders da scrits da participaziun ed il Chantun pudì s'allegrar d'ina dividenda da 38 francs resp. d'in pajament da var 95 milliuns francs.

La radunanza dals participants da la Banca Chantunala Grischuna è sa sviluppada ils ultims trais decennis ad in'occurrenza impurtanta per la populaziun en il chantun Grischun. Mintg'onni trametta la banca passa 10'000 invits a sias participantas e ses participants; var in terz prenda mintgamai part a la radunanza. Quels ch'èn da la partida han la chaschun d'avair contact direct cun «lur» banca e da sa barattar cun autras participantas ed auters participants. La BCG sezza profita da l'occurrenza d'engraziar a sias clientas e ses clients per la fidaivladad e la stima da blers onns.

### Cussegliazium, segirezza e divertiment

Occurrenzas grondas sco la radunanza dals participants pretendan gronds sforzs organisatorics. Uschia vali tranter auter d'organisar il viadi gratuit da las participantas e dals participants cun ils meds da traffic publics davent da lur lieu da domicil fin a Cuira, sco er in servetsch da shuttle da la staziun fin a la Halla da la citad. La banca collavura per quest intent cun la Viafier retica, las Viafiers federalas svizras, l'Auto da Posta SA e la societad d'acziun Bus da la citad da Cuira. Quest onn èn stads en acziun 85 gidantras e gidantras da la banca – tranter quels 16 emprendistas ed emprendists – per retschaiver ils giasts al lieu, controllar las entradas, attribuir ils plazs e reparer a la fin da l'occurrenza ils regals. In vast concept da segirezza cun personal intern ed extern ed in team da quatter medis han procurà per in andament senza gronds incaps. Ils var 2'410 giasts èn vegnids pupragnads culinaricamain da 170 collavuraturas e collavuratur dal team da catering da Christoph Tobler. En la part da divertiment han ils «Furbaz» cun Marie Louise Werth, Ursin Defuns, Giusep Quinter e Gion Andrea Casanova intgantà tut ils preschents cun lur grondiusas chanzuns e lur ritmus entusiasants.

### In grond sustegn en la populaziun

Il success da la banca signifitgia ina plivalur per il Grischun e ses abitants, ha accentuà il president da la banca Peter Fanconi en ses referat. Quella plivalur sa basia d'ina vart sin ina dividenda constanta da 38 francs per ils purtaders da scrits da participaziun resp. sin in pajament da var 95 miu. francs per il Chantun, e da l'autra vart sin las passa 1'000 plazzas da lavur, da quellas 80 per emprendistas ed emprendists. Quest engaschi da la BCG per il Grischun creescha confidenza. 65 pertschient da tut las persunas privatas en il Grischun han ina relaziun bancara cun la BCG. Per passa mintga segunda interpresa en il chantun è la BCG la banca principala. Questa attaschadadad obligheschia, ha ditg il president da la banca a la fin da ses pled.

### **Augmentà il gudogn dal concern e nudà ina ferma creschientscha**

Il CEO Alois Vinzens è stà cuntent cun il gudogn dal concern da 168,2 milliuns francs, quai che munta ad in augment da 4,4 pertschient. Cun ina creschientscha netta da 2,9 pertschient areguard il volumen da fatschenta ha la BCG pudì defender sia ferma posiziun en il Grischun. «Il bun resultat dal 2015 mussa la gronda prestaziun da nossas collavuraturas e da noss collavuratur sco era nossa ferma attaschadadad cun il Grischun. Quai na s'exprima betg mo en il mintgadi da fatschenta, mabain er en noss engaschi per l'ambient e la societad.» Engaschaments voluntaris da collavuraturas e collavuratur en projects socials sajan, ha remartgà Vinzens, gist uschè impurtants sco in mecenat generus, in bun sponsoring u la collecziun d'art grischun contemporan da la BCG.

### **4 milliuns francs per sponsoring e mecenat**

Per ses partenadis da sponsoring investescha la BCG mintg'onn radund in milliun francs. Ultra da quai promova ella cun ses fond da contribuziun projects betg commercials en e per il Grischun sin ils champs d'utilitad publica, da la cultura, dal sport, da l'economia, dal turissem e da la societad. L'onn 2015 ha la BCG sustegnì 450 projects cun 2,7 milliuns francs. «En total èn quai var 4 milliuns francs ad onn», ha resumà il CEO da la Banca Chantunala Grischuna quest engaschi.

### **Midadas en il cussegl da banca**

A la fin da la part uffiziala ha il president da la banca Peter Fanconi prendì cumià dad Eduard Gasser, commember da la direziun generala, ch'è en pensiun la fin d'avust 2015. Medemamain ha el era dà adia al vicepresidente da la banca Peter Wettstein ed al cusseglier da banca Franco Quinter. Lur temp d'uffizi scada ils 31 da mars. Fanconi ha undrà en spezial lur meritis da blers onns per la BCG. Silsuenter ha el beneventà ils nov elegids cussegliers da banca Martin Gredig e Fulvio A. Bottoni sco era Fabrizio Keller sco nov vicepresidente da la banca.

### **Contact per collavuratur da medias ed investurs:**

Banca Chantunala Grischuna, Medias & Investor Relations, Chascha postala, 7002 Cuir  
 Thomas Müller, [thom.mueller@gkb.ch](mailto:thom.mueller@gkb.ch), telefon +41 81 256 83 11  
 Plutarch Chiotopulos, [plutarch.chiotopulos@gkb.ch](mailto:plutarch.chiotopulos@gkb.ch), telefon +41 81 256 83 13

La Banca Chantunala Grischuna sin:

[gkb.ch/medien](http://gkb.ch/medien) | [Twitter](#) | [Facebook](#) | [YouTube](#) | [Flickr](#) | [Xing](#)

---

#### **Banca Chantunala Grischuna – il leader en il Grischun**

La Banca Chantunala Grischuna porscha tut quai ch'i' dovra per ina banca universal moderna – per persunas privatas, l'economia ed il maun public. La banca occupa 1'052 collavuraturas e collavuratur (stadi dals 31-12-2015). En il chantun Grischun cun sias numerus vals e pliras linguas, è l'interpresa represchentada cun 62 agenturas, la sedia principala sa chatta a Cuir. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il quint annual preschenta ella cun ina summa da bilantscha da CHF 23,284 milliardas in gudogn dal concern da CHF 168,2 milliuns. Il scrit da participaziun BCG è quotà a la bursa dapi ils 10 da settember 1985.

#### **Termins**

Rendaquint semestral 2016: 29 da fanadur 2016

---